

武英殿聚珍版丛书

天

地

人

物

事

理

法

道

水經注卷三十二

後魏酈道元撰

濞水

蘄水

決水

泚水

泄水

肥水

施水

沮水

漳水

夏水

羌水

涪水

梓潼水

涔水

濞水出江夏平春縣西

濞水北出大義山南至厲鄉西賜水入焉水源東出

大紫山分爲二水一水西逕厲鄉南水南有重山卽

烈山也山下有一穴父老相傳云是神農所生處也
故禮謂之烈山氏水北有九井子書所謂神農旣誕
九井自穿謂斯水也又言汲一井則衆水動井今堙
塞遺跡髣髴存焉亦云賴鄉案近刻脫賴字故賴國也有神
農社賜水西南流入于潒卽厲水也賜厲聲相近宜
爲厲水矣一水出義鄉西南入隨又注潒潒水又南
逕隨縣注安陸也

南過安陸入于潒

潒水出江夏蘄春縣北山

山即蘄柳也水首受希水枝津西南流歷蘄山出蠻

中故以此蠻為五水蠻五水謂巴水希水赤亭水

案近

刻脫五字及希水二字訛作西歸水蘄水其一焉

案近

刻脫此蠻左憑居阻藉山川世為抄暴宋世沈慶之

五字

于西陽上下誅伐蠻夷即五水蠻也

南過其縣西

晉改為蘄陽縣縣徙江洲

案近刻訛作縣從江州

置大陽戍後

齊齊昌郡移治于此也

案近刻脫一齊字昌訛作安

又南至蘄口南入于江

蘄水南對蘄陽洲

案近刻訛作州

入于大江謂之蘄口

案近刻脫

之洲上有蘄陽縣徙字

決水出廬江雩婁縣南大別山

俗謂之爲檀公峴

案謂近刻訛作名公訛作山

蓋大別之異名也

其水歷山委注而絡其縣矣

案近刻作也

北過其縣東

縣故吳也春秋左傳襄公二十六年楚子秦人侵吳

及雩婁聞吳有備而還是也晉書地道記云在安豐

縣之西南卽其界也故地理志曰決水出雩婁

案近刻脫

婁字

又北過安豐縣東

決水自雩婁縣北逕雞備亭春秋昭公二十三年吳

敗諸侯之師于雞父者也安豐縣故城今邊城郡治

也王莽之美豐也

案美豐近刻作美風

世祖建武八年封大將

軍涼州牧竇融為侯國晉立安豐郡決水自縣西北

流逕蓼縣故城東又逕其北漢高帝六年封孔聚為

侯國世謂之史水

案史近刻訛作決宋永嘉中置史水縣取水以名縣

決水又

西北

案決近刻訛作也

灌水注之其水導源廬江金蘭縣西

北東陵鄉大蘇山即淮水也

案淮近刻訛作注

許慎曰出雩

婁縣俗謂之澮水

案近刻此下有也字

褚先生所謂神龜出于

江灌之閒嘉林之中蓋謂此水也灌水東北逕蓼縣

故城西而北注決水

案近刻此下有也字

故地理志曰決水北

至蓼入淮

案近刻至訛作注淮訛作灌

灌水亦至蓼入決

案近刻作灌水

于蓼亦入決

春秋宣公八年冬楚公子滅舒蓼臧文仲聞

之曰臯陶庭堅不祀忽諸德之不逮民之無援哀哉

決水又北右會陽泉水水受決水東北流逕陽泉縣

故城東故陽泉鄉也漢獻帝中

案近刻訛作靈帝中

封太尉黃

琬爲侯國又西北流左入決水謂之陽泉口也

案口近刻

訛作

石

又北入于淮

俗謂之澮口

案澮近刻訛作決

非也斯決灌之口矣余往因

公至于淮津舟車所屆次于決水訪其民宰與古名

全違脈水尋經方知決口

案近刻訛作水

蓋灌澮聲相倫習

俗害真耳

泚水出廬江潯縣西南霍山東北

案泚原本及近刻並訛作泚下同今改正

潯者山水名也開山圖潯山圍繞大山爲霍山郭景

純曰潯水出焉縣卽其稱矣春秋昭公二十七年吳
因楚喪圍潯是也地理志曰泚水出泚山不言霍山
泚字或作潯潯水又東北逕博安縣案近刻脫泄水
出焉

東北過六縣東

潯水東北右會躡鼓川水水出東南躡鼓川西北流
左注潯水潯水又西北逕馬亨城西又西北逕六安
縣故城西縣故臯陶國也夏禹封其少子奉其祀今
縣都陂中有大冢民傳曰公琴者卽臯陶冢也楚人

謂冢爲琴矣漢高帝元年別爲衡山國五年屬淮南

文帝十六年復爲衡山國武帝元狩二年別爲六安

國王莽之安風也漢書所謂以舒屠六晉太康三年

廬江郡治淠水又西北分爲二水芍陂出焉

案原本及近刻

竝脫芍陂二字今據歸有光本補入又北逕五門亭西西北流逕安豐

縣故城西晉書地道記安豐郡之屬縣也俗名之曰

安城矣又北會濡水亂流西北注也

案近刻訛作之

北入于淮

水之決會謂之泄口也

泄水出博安縣

博安縣地理志之博鄉縣也王莽以為揚陸矣泄水

自縣上承泚水于麻步川

案泚近刻訛作北

西北出

案近刻脫出字

歷濡溪

案歷下近刻衍山字

謂之濡水也

北過芍陂西與泚水合

泄水自濡溪逕安豐縣

案逕近刻訛作水

北流注于潁亦謂

之濡須口

案近刻作一謂之其濡口

西北入于淮

亂流同歸也

案歸近刻訛作國

肥水出九江成德縣廣陽鄉西

呂忱字林曰肥水出良餘山俗謂之連柳山亦或以

爲獨山也北流分爲二水施水出焉肥水又北逕荻

城東

案荻近刻訛作獲

又北逕荻丘東

案丘近刻訛作江

右會施水

枝津

案右近刻訛作又

水首受施水于合肥縣城東西流逕

成德縣注于肥水也

北過其縣西

案此句之上原本及近刻有肥水別三字係施水之文訛舛在此

北入芍

陂

肥水自荻丘北逕成德縣故城西王莽更之曰平阿

也又北逕芍陂東又北逕死虎塘東

案虎近刻訛作馬

芍陂

瀆上承井門與芍陂更相通注故經言入芍陂矣肥

水又北右合閭澗水

案近刻訛作肥水東北又合閭澗水

上承施水于

合肥縣北流逕浚道縣西

案浚道原本及近刻竝訛作復道今改正浚道故城

在今合肥縣東北

水積爲陽湖陽湖水自塘西北逕死虎亭

南

案虎原本及近刻竝訛作雩考死虎壘在今壽州東四十餘里宋書劉順等東據宛唐築四壘通典

云宛唐死虎之訛也

夾橫塘西注宋泰始初豫州司馬劉順帥

衆八千據其城地以拒劉劭趙叔寶以精兵五千

案趙

近刻訛作杜

送糧死虎劉劭破之此塘水分爲二

案爲下近刻衍

字澗洛澗出焉閭漿水注之水受芍陂陂水上承澗水

于五門亭南別爲斷神水又東北逕五門亭東亭爲

二水之會也斷神水又東北逕神跡亭東又北謂之

豪水雖廣異名事寔一水又東北逕白芍亭東積而

爲湖謂之芍陂陂周百二十許里在壽春縣南八十

里言楚相孫叔敖所造魏太尉王淩案近刻訛作陵與吳將

張休案原本及近刻竝訛作張休文今據三國志改正戰于芍陂卽此處也

陂有五門吐納川流西北爲香門陂陂水北逕孫叔

敖祠下案近刻脫謂之芍陂瀆又北分爲二水一水

東注黎漿水黎漿水東逕黎漿亭南文欽之叛吳軍
北入諸葛緒拒之于黎漿卽此水也東注肥水謂之
黎漿水口

又北過壽春縣東

肥水自黎漿北逕壽春縣故城東爲長瀨津津側有
謝堂北亭迎送所薄水陸舟車是焉萃止有西北右

合東溪

案右近刻訛作左

溪水引瀆北出

案近刻訛作山

西南流逕

導公寺西寺側因溪建刹五層屋宇閒敞崇虛攜覺

也

案此句有舛誤

又西南流注于肥肥水又西逕東臺下臺

卽壽春外郭東北隅阿之榭也東側有一湖三春九

夏紅荷覆水引瀆城隍水積成潭謂之東臺湖亦肥

南播也肥水西逕壽春縣故城北案近刻脫故字右合北溪

水導北山泉源下注漱石頽隍水上長林插天高柯

負日出于山林精舍右山淵寺左道俗嬉游多萃其

下內外引汲泉同七淨溪水沿注西南逕陸道士解

南精廬臨側川溪大不爲廣小足閒居亦勝境也溪

水西南注于肥水案近刻脫西南二字作流注于肥水

北入于淮